

續修四庫全書

《續修四庫全書》編纂委員會編

續修四庫全書

上海古籍出版社

一七一三・集部・詩文評類

國朝詩人徵略六十卷（卷四十至卷六十）〔清〕張維屏輯

國朝詩人徵略二編六十四卷（存卷一至卷十一、卷十三、卷十五、卷十七至卷二十三、

卷二十五、卷二十七至卷三十一、卷三十三至卷四十一、卷四十三至卷六十四）

〔清〕張維屏輯

唐子西文錄一卷〔宋〕唐庚撰〔宋〕強行父輯

文筌不分卷〔元〕陳繹曾撰

文式二卷 古文矜式一卷〔元〕陳繹曾撰

文通三十卷 閏一卷（卷一至卷六）〔明〕朱荃宰撰

一四七

四〇三

四〇七

五四九

五七五

國朝詩人徵略卷四十

番禺張維屏子樹輯

姚 鼐

字姬傳江南桐城人乾隆二十八年進士官禮部郎中有惜抱軒集

姬傳豈弟慈祥而襟期蕭曠有山澤間儀有松石間意簿書刀筆雅非所好也詩旨清雋晚學玉局翁尤多見道之語既歸屢主安徽敬敷江寧鍾山揚州安定三書院以讀書學道教多士古文淳古簡淨紆徐往復亦多不盡之味湖海詩傳

國朝詩人徵略卷四十

姬傳甫弱冠而學已無所不窺天既賦姬傳以不世之才而姬傳又深有志於古人之不朽海峰文集

予見姚姬傳所為誌銘雜文必把讀五六徧不能去手其文簡澹清深儵然有得於性情之際淵雅堂集

惜抱軒集十卷前三卷亦多攷訂家言自記序以後文始驚絕朱竹君一傳尤有史筆同上

姚鼐曰唐時凡入史館者必令作名臣傳所以覘

史才今史館大臣傳率抄錄

上諭吏牘謂以避黨仇譽毀之嫌而名臣行績遂於傳中

不可得見然則私傳安可廢乎惜抱軒文集

惜抱文集乍閱之似不甚可喜再三閱之淳澹質中有義有法自是古文正宗松廬文鈔

標題 送演綸歸里古五 暮行青山下宿田家作

古七 舟中望板子磯山勢甚奇因題長句

古七 子穎禹卿同游累日作詩紀之古五

金麓村招游莫愁湖醉中作歌古七

摘句 聖人不可作遺經啓蒙愚大義乖復明實

賴宋諸儒其言若澹泊其旨乃膏腴我

朝百年來教學秉程朱博聞強識士論經

良補苴大小則有辨豈謂循循異塗奈何習

轉勝意縱而辭誣競言能漢學瑣細搜殘

國朝詩人徵略卷四十

餘 文章兩司馬擅為西漢雄人君取士節優劣安得同

所志尙千百為者纔八九

一從捫蝨話屢歎阿龍超

閉門生逕草空砌墮隣花

萬頃波平天四面九霄風定月當中折陽樓

河流畫地分中夏雲氣隨風出大荒

秋聲城郭千家樹返照雲霞萬里天

青楓江上人纔返黃菊花初蟹欲肥

往日讀書真恨少年如子豈能多

中年樂趣殊兒輩此日儒林少丈人

三月晚春悲老物百年後死待奇才

但使體中還少壯更偕兒輩向詩書

亂世烏飛難擇木男兒豹死自留皮

市土彥章

五十年間都憶起一燈廿四卷中詩

湯大奎

字曾輅號緯堂江南武進人乾隆二十八年進士

官鳳山知縣有緯堂詩略

國朝詩人徵略卷四十

三

君之在鳳山也秩滿候代屬賊勢蔓延縣故無城

君率僚佐募鄉勇爲守禦計一夕酌酒勞客君口

占曰今日不知明日事他生未卜此生休典史史

謙訝其語不祥君曰人孰無死身既許國成敗聽

之願諸君共相勉爾神色怏壯座客爲之罷酒平

明賊果來攻與參將瑚圖禮禦之賊稍卻參將馳

馬逐賊去君聞城北有警急馳歸得內應四人立

斬以徇方獎厲兵役煮鬻糜飼衆賊已突進北門

入縣治典史守獄死閹人王明素負膂力力屈亦

死僕林坤手格之斷四指暈絕仆地君則朝服坐

廳事手劒擊賊賊又交下猶瞋目誓不止時長子

荀業侍以身蔽翼其父不去遂同遇害時乾隆五

十一年十二月十三日也督撫上其居官死事狀

賜襲雲騎尉世職

子祭葬

亦有生齋集

君撰炙硯瑣譚十二卷攷鏡是非揚屹風雅賊起

臺灣君死事及事平僅存第十卷補遺一卷

湯荀業字楚儒一字與竹緯堂公長子也隨父之

官林逆作亂將及鳳山緯堂公見賊勢猖謂公子

曰汝無官守可以去對曰事母有弟在父以死守

國朝詩人徵略卷四十

四

城兒以死從父忍臨難苟免耶聞者壯其言越日

賊至公朝服仗劍坐堂上公子佩刀侍賊上階公

殺賊數人公子亦拔刀格殺以身翼蔽其父賊蜂

擁兵又交下父子皆遇害張維屏曰於戲臣死忠

子死孝忠臣孝子萃於一門此邦家之光名教之

效也吾友湯雨生騎尉爲忠臣之孫孝子之子蒙

恩世襲雲騎尉遂以文人而爲儒將與余訂交垂二十

年昨自浙郵書屬爲尊甫與竹先生墓表因未見詩

是編無從采入爰撮舉其大節附識於緯堂公事

略之後

聽松庵文鈔

摘句

大道歸私淑斯文復在茲學參會閔列衍

可帝王師謁孟廟

雲從秋後白峰入晚來青

雪晴蕭寺冷風定遠山明

降王烏喙方嘗膽浣女蛾眉恰捧心姑蘇懷古

窮士痛心曾乞食美人報國是傾城

人來小縣門如水座有名花吏亦仙

振衣竟欲凌風去回首方知行路難

祝德麟

字止堂浙江海寧人乾隆二十八年進士官御史

國朝詩人徵略卷四十

五

有悅親樓詩鈔

君未冠登第官翰林其間或典試或視學關中天

府川中地險以暨八閩濱海之區無不備歷及改

官御史以言事不合鐫級歸里僑居五湖三泖間

授徒自給日以詩酒友朋之樂宕漾其襟懷夢樓文集

芷塘詩以性靈為主亦能驅遣故實蓋欲力追其

鄉先輩查初白及其房師趙甌北兩先生聽松廬詩話

醉蝦罕見佳詠芷堂有句云有生難得惟中酒到

死何曾肯著緋頗足解頤同上

標題 讀史襍詠九首五 讀白詩偶有所觸因

韻成篇五 所見三首五 首第二首 冬

夏草詩五 讀宋史三首五

摘句 虞廷賡喜起臯陶本詩人

功業無可見專意立文字

六經不難讀字字皆近情盤詰固聳牙當

時詔黎毗如今官文書或別有式程不然

多舛脫口授由伏生

正復苦岑寂小童報客至吾誠喜客談且

莫談世事平生肄業及詩書多疑義觸舉

一二端剖析證同異

國朝詩人徵略卷四十

六

文人好翻案偏斷類寡識

兒母輕視身是孃一塊肉

庸醫難與謀以藥試人疾欲生是其心欲

死是其術

交親非不多知心問有幾

本為貧而仕仕而貧益甚

當歸真有寄意苴喜無嫌

大能尊孔子空不啟禪門莊子

真詮規矩外天趣性情中論詩

三千世界塵八百功德海

功德言從何處立畫詩書且一身藏

讀書纔信童話易忍事偏於醉後難

并無富貴誇奏夢差免形神病夏畦

人到中年增感慨文難異代享聲名

每因一字難安處吟到三更渴睡時

論文豈敢輕餘子飲酒何妨得老兵

世途誰可呼將伯家事母來潤乃公

漢試籍書九千字唐升禮部十三經

尺五天邊韋杜曲一千年外帝王州

地棄燕雲原失算天生宗岳爲何人

國朝詩人徵略卷四十

一死易酬知己德千金難買美人心

默啜何難防戊己支那不過守庚辰

肯拋冊府詩書畫忽學官箴清慎勤

豈料編文煩李漢每緣問字賞侯芭

淡到可憐方絕世生猶無色肯言香

飢驅到爾真羞澀鑒賞由人或愛憐

豕欄牛欄俱入畫半依修竹半桃花

我無姬妾相寒暖不是君憐更有誰

那得不爲祧廟主小門生已有門生

直同千佛名經看好句流傳不在多

沈初

字景初號雲椒浙江平湖人乾隆二十八年

賜進士第二人官至戶部尚書諡文恪有蘭韻堂集

雲椒司農母陸太夫人遺腹生子三歲殤哭之慟

以朱志其臂曰天不絕吾家若再生當以汝歸是

月司農生於鳴珂里之族氏陸太夫人聞之心動

索視之臂朱灼然遂請撫之五歲卽能辨四聲稍

長研究諸經旁通子史通籍後

命直內廷廣歌矢音由侍講學士詹事府擢禮部兵部侍

郎充會試副總裁官視學福建順天江蘇江西諸

國朝詩人徵略卷四十

大省所拔皆績學士每奉

諭旨以好學政目之進左都御史尋授兵部尚書調吏部

主順天鄉試遭遇之隆數十年如一日入贊

樞務精白一心不立異亦不苟同

上命內廷諸臣舉翰林數人劉文正公于文襄公裘文達

公王文莊公聯名奏彭雲渭曹竹虛兩前輩董蔗

林同年與余四人翼日

命入直懋勤殿

魯連臺詩翁山五律實爲傑作七律當以沈文恪

一首爲最其詩云城邊一騎射書回此地曾經不

戰摧天下有人秦計阻先生無恙海濱來英雄總

挾神仙氣時俗空驚論辨才南望嚴陵山水窟千

秋異代兩高臺詩話松廬

標題 朱萊峰先生輓詩五 祀竈聯句五

摘句 必為天下用乃貴讀書人

靜中求我方知樂局外看人未覺難

詩情添似桃花水春夢輕於柳絮風

一片湖光星萬點家家水閣上燈初

吳省欽

字冲之號白華江南南滙人乾隆二十八年進士

國朝詩人徵略卷四十

官左都御史有白華詩鈔

君少英敏善屬文年十七為諸生乾隆二十二年

高宗純皇帝南巡獻賦

召試

賜舉人授內閣中書春融堂集

三十三年

大考翰詹一等第一擢侍讀上

君在翰林二十餘年以文學詞賦為

聖主所知歷主鄉會試所錄多知名之士上

白華著撰精心果力不屑蹈襲前人衡文荆楚乃

西川遇山厲水刻處以五七字寫之散體文于唐

似孫樵劉蛻于宋似穆修柳開亦戛然自異詩話

白華集陝蜀道中諸作頗有深思厚力詩話

標題 井陘關七 五丁峽五 彌牟鎮觀八陣

圖七 平羌渡望鐵索橋七 荊州郡齋

石馬槽傳是漢壽亭侯故物七 慰忠祠

古 食蟹聯句五 杏酪聯句五

摘句 一雲肖一物一物幻一影華嚴頂佛

孤兒如一萍出海跡茫昧明知葬從薄焉

敢緩有待蜃灰賢陶埴審辨極瑣碎庶幾

國朝詩人徵略卷四十

先事營勿貽後時悔

祠廟籠秦樹人家抱嶽蓮

水依天到岍人與月同船

過廟似聞嘶石馬收京且喜斫金蟻長安懷古

到海長河尊一柱度關太華俛雙旒蒲州

望姓簪裾天尺五麗人珠翠日重三曲江

豈有牽牛聽夜語竟無飛燕鬪春妝馬嵬

上去笑同驢背穩坐來驚比馬頭高竹兜

人間陸險踰川險送險亭如至喜亭

人生只有歸田好不為南雲也悵然

董潮

字曉滄號東亭浙江海鹽人乾隆二十八年進士

官庶吉士有東亭詩選

東亭綺歲能詩與沈文恪初有十子之刻既而贅

婿蘭陵兼以飢驅奔走故其詞句淒鏘湖海詩傳

東亭本武進人少孤祖母陳撫之成人贅於海鹽

遂占籍焉性至孝讀書慷慨負志節工詩文兼善

六法與夏槐雲朱笠亭陸太冲及同郡知名之士

結社聯吟有嘉禾八子之目嘗賦紅豆樹歌傳誦

都下稱為紅豆詩人卒年三十六兩浙輶軒錄

國朝詩人徵略卷四十

標題 唐花詞七古

摘句 惟君共此心語俗必大異

已悲閭世同劉峻莫更逢人說項斯

橘柚本難栽北地鷓鴣還自戀南音

半春孤客忘寒食一夜東風又杏花

斷雲將雁隨烟沒野水如天帶月流

由來恩怨終亡國未有英雄肯忌才廉頗

青史幾人高諫議白麻當日哭延英陽城

郡控三關雄巨鹿峰連千里走飛狐中山

人事只如鴻印雪俗情偏喜鶴乘軒

王嵩高

字少林江南寶應人乾隆二十八年進士官平樂

府知府

少林門第清華文學之傳師承有自吟編甚富今

所採者游梁一集耳以郎中出守粵西未及歲以

乞養歸遂不復出一為安定書院院長而卒湖海詩傳

王司馬江左清門學有源本早年得第舉滿長安

咸以未入承明為惜薄游南北攬古探奇詩格駿

駿日上既而謁選歷宰繁區軼掌之餘吟卷益富

真可為此事便廢者一雪斯言吳會英才集

國朝詩人徵略卷四十

標題 太皞宓犧氏陵五言排律

摘句 曲直得情理剖決無畱疑兩造各俯首何

用加鞭笞

羣動各有歸勞者難為心

獨客畏秋氣思歸多苦吟

三花樹色開神岳萬里河聲下孟門

小人有母誰加飯遊子辭家未授衣

施朝幹

字鐵如江南儀徵人乾隆二十八年進士官宗人

府府丞有正聲集

鐵如詩樸質清真生澀刻峭居官如其詩在京師
老屋數椽寒菹冷炙夫婦相得怡然終不與熱官
來往稍遷京卿督湖北學政荆襄開潢池生警憂
瘁而亡其門人伊太守湯安刻其詩湖海詩傳

摘句 春星兼烏落山雨接潮來

士瘠憂人事年饑出吏才

中原秋色高嵩嶽孤劍寒雲落大河

褚廷璋

字左莪號筠心江南長洲人乾隆二十八年進士
官翰林院侍讀學士

國朝詩人徵略卷四十

三

筠心敏慧絕倫兼有荀令謝郎之目進詞館充方
略館纂修于準夷回部山川風土最爲諳悉奉

勅纂西域圖志又纂西域同文志并通等音字母之學詩

初學青邱既學元白旨遠詞文卓然大雅湖海詩傳

摘句 山圍蒲類分西谷雲護沙陀拱北庭木齊

漢蒲類國地唐爲北庭大都護府

海氣萬重吞麗水山容三面負祁連伊犁

伊犁河唐時名伊麗河亦曰伊麗水山卽古祁連山

塞月已寒三葉護邊風猶動五單于雅爾

漢五單于地唐三姓葉護地

千屯此口開榆塞十箭當年阻玉關唐書沙鉢羅咥利失可汗分十部部校一箭日十箭并碎葉東西境

焉耆鎮啟龍遊遠都護城懸烏壘尊哈喇

唐設焉耆都督府爲四鎮之一其西爲漢烏壘城

東紫姑壘千年磧南走于闐一綫河阿爾

阿克蘇爲古溫宿地其東爲古姑墨國地

大乘西來畱法顯重源東下問張騫和闐

和闐爲古于闐唐設毗沙都督府河有兩源一出于闐

李調元

字雨村四川綿州人乾隆二十八年進士官

國朝詩人徵略卷四十

四

兵備道有童山詩集

雨村觀察襟懷瀟灑跌宕不羈家藏書多至萬卷

嘗輯函海一書卷帙繁富又愛才若渴撰雨村詩

話人有一聯片語之佳者輒采而錄之聽松廬文鈔

好色復好書遇事太果斷此祝芷塘懷李雨村詩

也二語頗肖其人聽松廬詩話

朝鮮四家詩四家者李書九洛瑞柳得恭惠風朴

齊家次修李德懋懋官也雨村詩話采其詩四家

中朴齊家之名尤著同上

敢言勤學通今古深愧爲人在下中
帆迴山背風無力勝剪江心月有聲

梁 泉

字崇簡號弼亭廣東順德人乾隆三十年鄉試第

一

弼亭爲文原本史漢取裁莊騷有遺文四卷

廣東通志

己丑成進士卷出桐城張閣士房總裁賞其文闔

士喜見於邑同列銜之因假磨勘傾閣士至失官

弼亭遂被斥革

嶺海詩鈔

摘句 木落屋依平地出霜空人坐一天寬

國朝詩人徵略卷四十

五

勞 潼

字潤之號我野廣東南海人乾隆三十年舉人官

國子監學正

我野常言讀孔子書得一言曰務民之義讀孟子

書得一言曰強爲善而已矣讀朱子書得一言曰

切己體察

魚山文集

先生家居奉母絕意仕進從學者歲常數百人立

學約八則戒約七則曰苟犯此者勿入吾門也嘗

以六事自期曰傳先集葬先墳建宗祠濟族人定

世居報知己自言諸事皆就理惟報知己有未盡

或曰君於馮潛齋盧紹弓兩業師皆視猶父潛齋

晚年供給尤至尙不足云報知己耶先生曰是報

恩耳非報知己也師所期於余者在立身行道之

大節豈淺淺于有無緩急之際耶

雁山文鈔

先生著有四書擇粹救荒備覽讀史隨筆諸書

摘句 美人自昔憐芳草名士由來讀楚辭

閻循觀

字懷庭號伊蒿山東昌樂人乾隆三十一年進士

官考功司主事有西澗草堂集

懷庭學行醇篤時目爲真儒官考功一秉直道事

國朝詩人徵略卷四十

六

或齟齬輒不畫押同列或強之答曰吾學何事豈

至是變耶吏或舞文亦不遽責取陳文恭公所刻

在官法戒錄爲講說曰存其廉恥俾知悔改安見

吏不可教也在部三年以病請假歸未幾卒年四

十有五著有西澗草堂文集困勉齋私記尙書讀

記毛詩讀記春秋一得論語譜名人小傳見澗隨

筆諸書

國朝詩人徵略卷四十

摘句 茅茨意自足小隱情何深童稚知禮數雞

犬含淳心

濕烟斷樵徑滄雲出林屋

微官忌太直結習安得存抑心復柔氣猶有見忤言

汪孟錫

字康古浙江秀水人乾隆三十一年進士官吏部主事有厚石齋集

康古曾祖晉賢先生讀書好友建襄杼樓以貯圖史有華及堂以延賓客故子孫皆好學能文康古與弟仲鈇咸以詩名康古兼精術數自謂壽命不過五旬屆時而卒子如藻如洋

標題 岫嶠碑搨本二十韻

摘句 客心爭歲晚如鳥思歸巢舟行到淺水束手無如何

得句從來勝得官

朱炎

字桐川號笠亭浙江海鹽人乾隆三十一年進士官阜平知縣有楓江湖樓諸集

笠亭一行作吏而著述之念未嘗一日忘好古多聞撰陶說六卷又抄明人詩十四卷

摘句 纖徑出松梢微茫若懸綆

高閣夕陽殘醉後板橋流水獨吟時

金兆燕

字鐘越號棕亭江南全椒人乾隆三十一年進士官國子監博士有棕亭詩鈔

棕亭遊黃山諸作奇崛可喜又工院本在揚州作旗亭畫壁記虛雅雨運使刻之生平不耐靜坐愛跳躍多言笑故時人目爲喜鵲

摘句 穿透天一簾漸觀海千里

半簾疎雨客何處滿地落花春欲歸

張錦麟

字瑞夫號玉洲廣東順德人乾隆三十三年舉人

有少游草

錦麟幼慧與兄錦芳竝爲北平翁方綱所賞有雙

丁兩到之目年二十九卒

錢辛楣稱其詩標新領異不拾人間唾餘

玉洲詩骨格清蒼情韻繚邈與胡同謙齊名兩人

太白樓詩亦相伯仲

余愛玉洲七夕絕句云雨餘閒聽葉辭條久客羈

心不自慘獨倚檐前望牛斗秋風秋月可憐宵

標題 楊歷巖 夜遊虎邱 登穹窿望太湖

元夕妙高臺對月 甘露寺

摘句 千山迭迎送一重復一掩

微吟不自覺驚起雪色驚

江海交流處金焦相對青

好風離所得新月傍林生

感激飛樵日從容進履時飄然秦楚際偶

作帝王師

下邵詠
雷侯

前身應是江南客纔見金焦喜欲狂一月

風沙隨曉夢半空樓閣出秋光

野舛無人潮欲上碧天如水雁初飛

三面青山四圍水藕花香處笛船多

國朝詩人徵略卷四十

五

王洲因此二句人呼為張碧天又呼為張藕花

黎建三

字謙亭廣西平南人乾隆三十三年舉人官涇川

直隸州知州有學吟草悔初草諸集

謙亭詩云悍民始一二歲久因為奸免窟錯犬牙

烏合互相連涓涓將不塞浩浩成狂瀾此詩殆有

慨於除莠之難耶今之會匪莫知其數涓涓不塞

其患非細思患豫防所望當事者熟籌之

聽松廬詩話

標題

斗米謠

古

摘句 承恩如夢寐得罪未分明

葉置詩

故鄉秋裏別明月客中看

雲山入手身猶健官職拋人夢漸安

任大椿

字幼植號芝田江南興化人乾隆三十四年進士

官監察御史

幼植少以詞賦知名既而覃精經術尤熟於爾雅

說文廣雅嘗撰呂忱字林攷逸八卷又刻釋繪九

經三傳沿革例諸書

湖海詩傳

君二甲一名進士分禮部為儀制司主事時值

詔開四庫館大臣知君才舉為纂修官是時非翰林而為

國朝詩人徵略卷四十

三

纂修官者凡八人輩與君與焉君著有弁服釋例

深衣釋例小學鉤沉吳越備史注

惜抱軒文集

摘句 放船歸思滅久客別人難

盡日吟情連鴈鷺一秋風色在蒹葭

鮑之鍾

字雅堂號論山江南丹徒人乾隆三十四年進士

官戶部郎中有論山詩稿

戶部少負雋才文采秀逸在都門與洪稚存吳穀

人趙味辛唱酬契密法梧門稱為詩龕四友典試

廣東貴州暨分校禮闈所拔皆名雋

潤故

摘句 白塔出青林紅亭圍碧沼

虹收山店雨月出柁樓烟

水暗疑沈墨山明不受烟

彭翥

字少鵬號南池一號竹林雲南蒙化人乾隆三十

五年舉人官廣東同知有海天吟

乾隆五十三年福敬齋公相總督廣東調水師出

海捕盜時君爲香山令乞公相賞精兵二百往捕

許之君捐俸支帑造戰船簡鎗砲火藥資糗糧徑

出海揚帆行百餘里遇盜船發砲擊之賊驚遁數

日賊船八九隻來官兵發砲擊之閉君知賊以穢

物厭勝也殺黑犬取血釐砲砲果發適大軍亦至

擊破賊船賊落水號呼乞命君命以鐵鈎拉起之

縛七百餘人

小倉山房文集

南池捕盜政績周導之比之終軍虞詡一流

摘句 溪山本目前烟雲使之遠

四方迷子午一氣闔坤乾

天垂無際水月戀欲歸舟

江楓冷雨啼山鬼浦月芳蘭夢水仙

高齋幾處燒紅燭香霧千門放素馨

廣州夜泊

潘有爲

字卓臣號毅堂廣東番禺人乾隆三十五年舉人

官內閣中書

嶺南自三家後比來余所知者張庶常錦芳馮戶

部敏昌溫編修汝适潘舍人有爲趙大令希璜而

黎簡民爲之冠

湖海詩傳

先生受知於王文端公又爲翁覃谿先生入室弟

子性落落不事權貴官中書十餘年不遷丁外艱

歸不復出所居曰南雪巢又橘綠橙黃山館門外

陂塘數頃多種藕花有句云半郭半村供臥隱藕

塘三月春令飛蓋紀實也晚好聲樂嘗畜梨園菊

部演劇爲壽母娛余時未弱冠讀書之暇輒偕先

生猶子伯臨昆季往觀焉笙歌院落燈火樓臺歷

歷若前日事越十餘年先生歸道山所藏書畫鼎

彝亦皆星散惟張樗寮書古柏行一卷銀鈎鐵畫

墨寶堪珍今歸伯臨比部可謂得所矣

珠江南岸土名河南毅堂中翰有河南竹枝詞三

十首於土風古蹟甚詳起句云楊子宅邊松柏盡

地名依舊說河南蓋河南以漢楊孚得名也

話

舍人官京師時上巳日同人集竹垞先生古藤書

屋詩云先生原不藉花傳地以人傳花更妍兩度

宦情春雪後百年風韻石欄邊桃栽似訪元都舊

蘭被徒追曲水先吾粵才人吟夢斷夜闌紅雨逼

樽前此詩神韻綵逸結二句蓋追感藥亭先生尤

令人低徊不盡

先生聽雨詩起句云四圍涼透一燈孤極得夜坐

聽雨之神

摘句 野竹鎖烟移檻遠長蘿牽翠補籬疎

青藜閣上光如昔春草池邊夢已差

國朝詩人徵略卷四十一

千里故人重繾綣十年前事半模糊

國朝詩人徵略卷四十一

番禺張維屏子樹輯

李懷民

名憲璽以字行號十桐又號石桐山東高密人諸

生有十桐草堂集

先生早孤與兩弟蓮塘少鶴相師友嘗與少鶴依

張爲主客圖例蒐集元和以後諸家五律詩辨其

體格奉張籍賈島爲主朱慶餘李洞以下客焉名

曰重訂中晚唐詩人主客圖

單廉夫 曰先生當虞山漁洋之後獨能刮磨前

國朝詩人徵略卷四十一

洗一舉而空之

李石桐曰余讀貞元以後近體詩稱量其體格得

兩派焉一派張水部天然明麗不事雕鏤而氣味

近道學之可以除躁妄祛矯飾一派賈長江力求

嶮奧不吝心思而氣骨凌霄學之可以屏浮靡却

熟俗予每欲聚集諸家分承兩派訂成一書嫌於

創始或驚俗目喜得張爲主客圖本鍾氏孔門中

詩之意而推廣之謹依其制尊水部長江爲主

入室升堂及門以次及焉

前輩謂學選體者讀初唐學盛唐者看中晚中

人得盛唐之精髓無宋人之流弊

天地間文章祇在當前搜得出便成至文梅宛
曰發難顯之情於當前畱不盡之意於言外二

實盡古今詩法

石桐先生生於漁洋秋谷之後而能自闢町畦

標宗旨可謂忻然自異不肯隨人步趨者其五言

樸而腴淡而永苦思而不見痕迹用力而歸於白

然五字中含不盡之意五字外有不盡之音粗人

觀之乃曰易易蓋未知此中甘苦也

聽松廬詩話

標題

寄子受

五古第

道旁兒

七

攜兒輩遊

國朝詩人徵略卷四十一

二

村市

五

摘句 道深意彌歉養至中乃虛

入時性已乖力古氣猶勇

既云拙進取復不事生產親戚或相誚妻

帑亦憤懣一編聊自娛浩歌秋已晚

優伶蒙繡裳乃與公侯類內蘊苟不充浮

華焉足恃

兩足日著土閒居淡無味登舟未半程舉

步思履地

沾濡花上重瀟灑樹間密稍急始紛喧漸

繁轉寥寂

風歇林未靜月出水方動

靜中世味淡病後衆情遣

斯人誰不死死身不死人

物情感氣候各自爲秋聲

孤村羣動息遠水夜聞聲想得暗流處無

人空月明

荒園二三畝種蔬兼種花

買藥寄山客寫詩呈故人

新書借未讀舊句定猶刪

國朝詩人徵略卷四十一

三

旅病覺寒早獨眠知夜長

朝食嘗新穀秋衣著舊絲

夜雪曉方覺朔風晴更多

隨行一舟月出送滿城人

送張邑侯

長貧爲客易漸老別鄉難

閒思一年事祇見兩封書

有景皆同賞無愁不並知

思人如中病吟成勝拜官

遠山晴始見高樹夜偏聞

母念應扶杖兒迎早候扉從頭說風土語

笑滿庭閣 遠歸

送花如嫁女相看出門時 子受求盆桂詩以送之

福增格

字贊侯號松巖滿洲人官廣東將軍有酌雅齋集顧國泰序云光明磊落雅健沈雄洵足鼓吹休明

馳騁千古 雅頌

摘句 行人渡河水曉月照潼關

人臥兼旬雨書來千里心

往事嗟陳迹傷心過少年

五陵裘馬無知己四海交遊得幾人

國朝詩人徵略卷四十一

四

託庸

字師健號瞻園滿洲人官至吏部尚書諡誠愨有瞻園詩鈔

庸所居曰瞻園有十八景暇則觴詠於此 入旗通志

託家宰作江寧方伯時一見如平生歡遂贈以二

律有句云七十神仙海鶴姿六年人悔見公遲次

日公過訪坐定忽正色曰吾欲借君一貴重之物

未知肯否余愕然問何物公笑出袖中和韻詩第

二句仍是六年人悔見公遲七字彼此囁然 隨園詩話

摘句 鍾山餘夜燒鐵甕走江聲

蔣韶年

方寸一時得平生萬事非

寒山歷歷路不盡班馬蕭蕭君獨行

字臨臯漢軍人官山西平度州知州有吏隱集

顧 諱祿 序云臨臯先生家世閥閱學博才富修書

議敘為江蘇布政司理問事繁俸薄先生處之泰

然克勤其職公餘眺覽山水與二三同僚酌酒賦

詩而政事不廢 吏隱集

公以直道忤上官遂罷官歸怡然自得吟詠而外

惟以教子讀書為急務家貧無力延師今相國礪

國朝詩人徵略卷四十一

五

堂先生時方髫齡就傳百里外比相國以弱冠成

進士入詞垣公猶矍鑠也廉吏家風德門善慶讀

吏隱一集可想見之 聽松廬文鈔

摘句 雪擁山疑失風狂馬不前

一宵將盡臘半紙隔年書

貧餘負郭方容隱宦可言歸便是仙

位因卑處才難見詩到窮時句更新

事少經營驚我老世多閱歷識人情

才未稱官原自解事非由我可原情

田無負郭饔飧缺家有藏書歲月多